

豫章樊書

第四九冊

咸賓錄卷二

明 南昌 羅曰褧 舛之 著

東夷

朝鮮

朝鮮東夷大國也昔堯命羲仲宅嵎夷曰賜谷孔子欲居九夷夏后相時於夷來賓少康時方夷來賓及周公所滅淮夷大抵皆東夷種也武王伐紂釋箕子囚箕子旣陳淇範義不臣周而武王亦不欲臣之也故封之於朝鮮其初國俗未聞及箕子教以禮義田蠶又制八條之約故其風淳厚與三方異至有邑無

淫盜門不夜局者傳四十餘世至朝鮮侯準稱王漢初大亂燕人衛滿避地朝鮮遂擊破準而自稱朝鮮王會孝惠高后時遼東太守奏約滿爲外臣保塞外蠻夷許之滿遂得以兵威財物侵旁小邑凡穢貊高句驪沃沮真番辰國皆服屬焉傳子至孫右渠負固不服又壅闊他國來朝者元封初襲殺漢使涉何漢於是遣楊僕苟彘誅右渠以兩將不相能故久無功頃之尼谿相參迺使人殺右渠來降先是穢君南閭等二十八萬口降置蒼海郡及定朝鮮復置爲真番臨屯樂浪玄菟四郡而以高句驪沃沮爲縣至昭帝

時罷臨屯真番二郡而并於樂浪玄菟焉高句驪者  
其先夫餘種也夫餘嘗得河伯女因閉於室爲日影  
所照遂孕生一卵大如五升破而得一男焉及長字  
之曰朱蒙其俚言朱蒙者善射也王令養馬蒙私以  
馬駿者減食令瘦駕者善養令肥王以肥者自乘瘦  
者給朱蒙王狩給朱蒙一矢殪獸甚多夫餘王謀殺  
之朱蒙遂棄其母與馬達等二人東遇河難濟追者  
又迫朱蒙曰我日之子河伯外孫也今奈何俄而魚  
鼈成橋朱蒙得渡魚鼈乃解朱蒙遂至普述水遇見  
三人一着麻衣一着衲衣一着水藻與朱蒙至訖升

骨城遂居焉號曰高句驪因以高爲氏朱蒙死子如栗立如栗死子莫來立其人性凶急習戰鬪好寇鈔沃沮東濶皆屬焉武昭雖置爲縣後稍驕不服王莽初發句驪兵伐胡不行郡縣强迫之遂亡出塞莽令嚴尤誘句驪侯驄斬之傳首長安於是寇邊愈甚及光武興罷兩郡都尉官仍以穢及沃沮地封其渠帥爲侯而遼東太守祭肜威信素著於是高句驪濶貊倭韓夫餘諸國來獻倭卽日本詳見日本志中韓有三種曰馬韓國五十四曰辰韓國十二曰弁韓國亦十二合方四千餘里皆古之辰國也馬韓最大其諸

國王盡馬韓種人俱服屬焉昔朝鮮王準爲衛滿所破遂將餘衆千人攻入馬韓爲王準卒後韓人復自立辰韓者老自言秦之亡人避苦役適韓相呼有似秦語風俗尙禮勝於馬韓弁韓國近倭故頗有文身者三韓自漢晉以來朝貢不絕後爲新羅百濟所併夫餘東明之裔也其事與朱蒙同漢晉以來朝貢及阿保機滅夫餘改東丹府遂絕後高句驪王宮勇壯數犯邊境元興初寇遼東耿夔擊破之元初建光時輒與濶貊馬韓鮮卑人入寇圍立菟城殺掠吏人時遼東太守蔡諷戰沒官屬并軍卒死者數千人夫餘

王乃遣子尉仇台將兵來援與州郡并力討破之是歲宮死子遂成立詣玄菟降遂成死子伯固立其後濶貊率服東垂稍安及桓靈失政復入寇掠玄菟太守耿臨討之伯固降乞屬玄菟云伯固卒子伊夷模立建安中公孫度擊破之有其國伊夷模更作新國於九都山下居焉伊夷模死子位宮立一名宮慕祖風烈故襲其名有勇力便鞍馬善獵射從晉擊公孫氏有功勢遂滋盛魏正始初寇遼西安平幽州刺史毋丘儉往擊之位宮敗走儉使王頤追之絕沃沮千餘里到肅慎南刻石紀功而還是時頤問其耆老海東復有人不

耆老言國人嘗乘船捕魚遭風至一島語言不相曉俗常以七月取童女沈海又一國在海中純女無男撒地而孕脣前無乳項後生毛中有汁孔子百日能行三四年則成人矣又海岸邊有兩面人項中復有面生得之與語不通不食而死又得一布衣從海中而出身如中國人衣其兩袖長三丈蓋沃沮東界之極也晉時位宮五葉孫釗爲王慕容皝擊破之掠萬餘口焚其宮毀九都城而釗亦尋爲百濟所殺於是遂徙都平壤平壤卽樂浪也元東寧路今及慕容皝仍屬朝鮮及慕容皝以句麗王安爲平州牧封遼東帶方二國遂略有遼

東郡勢復振立至晉安時安孫高璉獻赭白馬晉封爲高麗王樂浪郡公璉壽百有餘歲而死凡四傳而湯立自東晉宋至於齊梁後魏後周其主皆受南北兩朝封爵分遣貢使隋時其國漸大及隋平陳湯懼陳兵積穀爲守拒之策高祖曉諭之遂上表謝罪湯卒子元立元率靺鞨兵寇遼西既而煬帝徵元入朝元不至煬帝大怒遂親征之高麗嬰城固守隋食盡師老轉輸不給諸軍多敗績乃班師還頃之高麗亦困弊遣使乞降隋末天下喪亂仍徵元入朝元竟不至也元死子建武嗣唐高祖初兩遣使入朝唐拜建

武爲上柱國封高麗王頃之新羅百濟上書言建武  
閉道使不得朝且數侵入詔使朱子奢持節諭和是  
時太宗已擒韻利建武懼請與二國平且賀滅突厥  
并上封域圖久之復遣太子桓權入朝獻方物帝厚  
賜賚詔使者陳大德持節答勞且觀覽大德入其國  
厚餉官守悉得其纖曲大德還報太宗大喜於是遂  
有征服高麗志矣高麗有蓋蘇文者姓泉氏自云生  
水中以惑衆性忍暴嗣父爲東部大人殘凶不道諸  
大臣與建武議誅之蓋蘇文覺悉召諸部給云大閱  
兵列饑具請大臣臨視賓至盡殺之凡百餘人馳入

官殺建武殘其戶投諸溝更立建武弟之子藏爲王自爲莫離支專國柄猶唐兵部尚書中書令職云太宗聞建武爲下所殺遣使弔祭不欲因喪伐罪乃拜藏爲高麗王會新羅遣使者上書言高麗百濟來攻請天子哀憐太宗以書讓高麗且使止勿攻使未至而蓋蘇文已取新羅二城矣會李勣勸上討之帝意遂決乃遣將張亮李勣李道宗契苾何力等二十人往征之又發契丹奚新羅百濟諸君長兵悉來會上次定州坐城門遇兵人人慰撫疾病者親視之敕州縣治療士卒大悅人人願爭先赴敵於是勣攻卑

城拔之以其地爲蓋州孫伐音攻白崖城拔之以其  
地爲嚴州勣遂圍遼東城帝至城見士卒墳塹分負  
之重者馬上持之羣臣震懼爭挾硯以進帝與勣會  
甲光炫日會南風急土縱火焚西南燐延城中屋幾  
盡人死於燎者萬餘眾登陴虜蒙盾以拒士卒長矛  
春之蘭百如雨城遂潰以其地爲遼州遂引軍次安  
市城進兵攻之會高麗南北部僨薩高延壽高惠眞  
率靺鞨之衆十五萬來援於安市城東南八里依山  
爲陣上令所司張受降幕於朝堂之側夜召文武躬  
自指麾是夜有流星墜賊營中明日及戰大破之延

壽惠真降上悉以其酋長授以戎秩命還以平壤靺鞨三千人並坑之所獲無算因名所幸山爲駐韓山命許敬宗爲文勒石紀功焉太宗崩高宗立藏遣使者奉慰後新羅訴高麗靺鞨奪三十六城詔程名振等率師討擊勝之無何蓋蘇文死乎男生代爲莫離支與弟男建男產相怨男生入朝求援而蓋蘇文弟淨土亦請割地降乃詔遣將契苾何力薛仁貴龐同等討之皆受李勣節度會侍御史賈言忠計事還帝問軍中云何言忠對曰必克高麗秘記曰不及九百年當有八大將滅之高氏自漢有國今九百年勣

年八十矣虜仍薦飢人相掠賣地震裂狼狐入城竊  
穴於門人心危駭是行不再舉矣未幾勣圍平壤城  
遣男產率首領百人樹素幡降且請入朝勣以禮見  
而男建猶固守出戰數北大將淳屠信誠遣謀約內  
應遂入火其門執藏男建等收凡五部百七十六城  
戶六十九萬詔勣便道獻俘昭陵凱而還勣等數俘  
於庭高宗赦之各授以職諸將加爵有差剖其地爲  
都督府九州四十二縣百復置安東都護府擢酋豪  
有功者爲都督刺史而以薛仁貴爲都督總兵鎮之  
藏以永淳初死葬韻利墓左由是高氏絕王矣至垂

拱中以藏孫寶元爲朝鮮郡王唐末中原多事遂自立爲君長而其名號史失不紀矣至後唐明宗時權知國事王建承高氏之位并有新羅百濟以平壤爲西京遣使朝貢封爲高麗國王建卒子武立武卒子昭立王氏三世終五代常來朝貢其立也必請命中國中國常優答之周世宗時王昭進別敍孝經一卷越王新義八卷皇靈孝經一卷孝經雌圖一卷別敍者敍孔子所生及弟子從學之事新義者以越王爲問目皇靈述延年辟穀雌圖載日食星變皆不經之說宋太祖建隆初昭進使朝貢昭卒子佃立佃卒弟

治立先高麗遣國人金行成崔罕王彬等詣業國學  
後俱登第於是朝貢不絕請命受封如常無何遣使  
言契丹寇境宋以夷狄相攻固其常不可輕動干戈  
爲國生事使還自是受制於契丹朝獻中絕矣治卒  
弟誦立誦卒弟詢立會契丹攻陷高麗六城詢徒居  
避之尋結女眞設奇邀擊殺戮契丹殆盡勢稍得振  
於是復入貢焉因言爲契丹羈制之狀宋厚答之詔  
登州置館於海次以待使者詢卒其後不通中國者  
四十餘年至詢孫徽立輒遣使入貢表求醫藥畫想  
之工詔募願行者往高麗俗病不服藥惟咒咀厭勝

故不知醫自嶽來請醫後始有通其術者宋以其國  
尙文每賜書詔必選詞臣著撰所遣使者必召赴中  
書試以文乃往而高麗之待中國使者亦甚恭謹云  
徽在位三十八年而卒治尙仁恕稱爲東夷良主然  
猶循其俗王女不下嫁臣庶必歸之兄弟宗族貴臣  
亦然次子運諫以爲旣通上國宜革故習不從及運  
嗣遂稍稍變其夷風矣運仁賢好文每賈客市書至  
則潔服焚香對之貢使至輒市太平御覽文苑英華  
并諸書甚衆運卒凡四傳而始立貢使接踵賞賜不  
賞而郡縣供頓擾民殊甚蘇軾謂高麗入貢無絲毫